

以下題目分甲乙兩類。請從每類中各選二題作答。換言之，請從 1、2、3 題中選二題作答，從 4、5、6 題中選二題作答。

請將選答題目所述之文字，以通俗白話譯述出來，並闡述其要旨。

甲類題目：

1. 《詩經》

蕩蕩上帝，下民之辟。疾威上帝，其命多辟。天生烝民，其命匪謚。靡不有初，鮮克有終。〈大雅〉

2. 《禮記》

子曰：「鬼神之爲德，其盛矣乎！視之而弗見，聽之而弗聞，體物而不可遺。使天下之人齊明。盛服，以承祭祀，洋洋乎如在其上，如在其左右。《詩》曰：『神之格思，不可度思，矧可射思。』夫微之顯，誠之不可揜，如此夫！」〈中庸〉

3. 《易經》

易與天地準，故能彌綸天地之道。仰以觀於天文，俯以察於地理，是故知幽明之故。原始反終，故知死生之說。精氣爲物，游魂爲變，是故知鬼神之情狀。與天地相似，故不違。知周乎萬物而道濟天下，故不過。旁行而不流，樂天知命，故不憂。安土敦乎仁，故能愛。範圍天地之化而不過，曲成萬物而不遺，通乎晝夜之道而知，故神无方而易无體。

一陰一陽之謂道，繼之者善也，成之者性也。仁者見之謂之仁，知者見之謂之知，百姓日用而不知，故君子之道鮮矣。〈繫辭傳〉

乙類題目：

4. 王弼《老子指略》

若溫也則不能涼矣，宮也則不能商矣。形必有所分，聲必有所屬。故象而形者，非大象也；音而聲者，非大音也。然則，四象不形，則大象無以暢；五音不聲，則大音無以至。四象形而物無所主焉，則大象暢矣；五音聲而心無所適焉，則大音至矣。

5. 法藏《金獅子章》

〈明緣起〉謂金無自性，隨工巧匠緣，遂有獅子相起。起但是緣，故名緣起。

〈辨色空〉謂獅子相虛，唯是真金。獅子不有，金體不無，故名色空。又復空無自相，約色以明，不礙幻有，名爲色空。

〈約三性〉獅子情有，名爲遍計。獅子似有，名唯依他。金性不變，故號圓成。

〈顯無相〉謂以金收獅子盡，金外更無獅子相可得，故名無相。

見背面

〈說無生〉謂正見獅子生時，但是金生，金外更無一物。獅子雖有生滅，金體本無增減，故曰無生。

6. 張載《正蒙·太和篇》

天地之氣，雖聚散、攻取百塗，然其為理也順而不妄。氣之為物，散入無形，適得吾體；聚為有象，不失吾常。太虛不能無氣，氣不能不聚而為萬物，萬物不能不散而為太虛。循是出入，是皆不得已而然也。然則聖人盡道其間，兼體而不異者，存神其至矣。彼語寂滅者往而不反，徇生執有者物而不化，二者雖有間矣，以言乎失道則均焉。

